

A Arrependementu:

❖ Arrependementu tarde.

- Iha Lazaro nia uma, Jesus koalia kona ba buat ne'ebe importante, ne'ebe importante tebes atu hetan salvasaun. Maibe Marta la rona. Nia laiha tempu. Iha buat barak tebes atu halo! (Lucas 10:40-41).
- Nune'e duni ba ita. Bainhira ita halo sala, no Espiritu Santu bolu ita ba arrependementu, Satanas preokupa atu hakonu ita ho atividade, preokupasaun, ka distrasaun seluk ne'ebe impede ita atu konsidera ita nia situasaun sala nain no buka perdaun.
- Maibe Maromak la rende. Nia persiste hodi bolu (Ezequiel 33:11). Kompára ita nia sala ho rounpa foer (Izaías 64:6). Nia ofere se troka ida: ita nia rounpa foer sira ba ninia rounpa moos (Zacarias 3:4), rounpa sira ne'ebe fase ho Jesus nia raan (Apokalipse 7:14).

❖ Arrependementu ne'ebe loos.

- Saida mak arrependementu? Saida maka diferente entre arrependimentu loloos no finjidu? (2 Kor 7:10)
- Bainhira sala ida lori konsekuensia imediata no la ho intensaun, arrependementu bele mosu. Lamentavel tanba buat ne'ebe ita halo la sai diak. Se laiha konsekuensia negativu sira, ita sei la sente triste ba ita nia asaun sira. Ida ne'e LAOS arrependementu loloos.
- Bainhira ita triste tamba ita halo sala, no iha dezejú klean atu hetan perdaun (la haree ba pekadu ninia konsekuensia negativu sira), ita esperiensia hela ba arrependimentu ne'ebe loloos.
- Bainhira ita halo sala, Espiritu Santu "haketak ita" no "hakaneke" ita ho sentimentu tristeza ne'ebe klean. Se ita hatan ho arrependimentu loloos, Maromak sei kura ita, no perdua ita nia sala sira (Oseias. 6:1).

❖ Xamada arrependementu.

- Joao Batista ho Jesus Kristu hahu sira nia ministeriu ho mensajen ne'ebe hanesan: "Arepende" (Matius. 3,1-2; 4,17).
- Tambasa mak importante atu arrepente an? Tamba laho ida ne'e laiha perdaun ba sala sira (Apostlu sira nia hahalok 2:38; 3:19). Oinsa prosesu ida ne'e akontese?
 - (1) Tamba Ninia laran diak, Maromak bolu ita atu hakribi sala (Roma 2:4).
 - (2) Ami hatan ona Ita nia xamada:
 - (a) Ho lamentasaun sinseru ba erru sira ne'ebe halo.
 - (b) Ho desizaun onestu atu hasees aan husi sala.
 - (3) Maromak perdua ita nia sala tamba Jesus hafakar nia ran iha kruz (Kolose 1:13-14).
- Nota katak arrependementu no perdaun tenke lori nafatin ita ba reformasaun, ba mudansa atitudo nian ne'ebe lori ita atu la halo sala tan (Joao 5:14).

B Perdaun:

❖ Grasa no perdaun.

- Laiha buat ida mak obriga Maromak atu perdua ita. Laiha buat ida ne'ebe ita bele halo atu merese hetan perdaun ne'e. Maromak haraik perdaun mai ita liuhusi grasa; ho Ninia domin rohan laek. Nia perdua tamba Nia "di'ak no perdua, no iha mizerikordia barak ba ema hotu ne'ebe bolu Nia" (Salmo 86:5; haree Exodu 34:6-7).
- Ninia domin mak lori Nia atu saran an iha kruz no selu ita nia tusan ne'ebe ita rasik labele selu (Efesu 2:4-5).
- Wainhira ita lori ita nia salan ba kruz ain, Jesus sei liberta ita. (Ebreu 12:1-2).

❖ Vestidu perdaun.

- Igreja Maromak nian—no tamba ne'e nia membru ida-idak—hatais "hena-linu ne'ebe diak, moos no nabilan" no laiha "mancha, runguranga, ka buat ruma hanesan ne'e" (Apok. 19:8; Ef. 5:27).
- Hena linu diak ne'e nudar simbolu "santu sira nia hahalok loos" (Apok. 19:8b). Maibe justisa ida ne'e laos sira nian, maibe transmite ba sira husi Kristu (Apokalipse. 7:14).
- Bainhira Adao no Eva halo sala, sira taka sira nia isin ho sira nia hahalok rasik. Maibe sira nafatin konsidera sira nia an molik iha Maromak nia oin (Jenesis 3:7-10). Ropa ne'ebe Maromak fo ba sira mak simbolu ida "ropa kazamentu nian" ne'ebe Kristu fe mai ita. Nia justisa perfeita ne'ebe hamoos ita nia sala sira (Jenesis 3:21; Salmo 51:7-10).
- Laiha ema ida mak bele tama ba Lalehan laho ropa ida ne'e (Mateus 22,1-14).